

2026-imut aningaasanut inatsisissatut siunnersuut.

(Aningaasaqarnermut Akileraartarnermullu Naalakkersuisoq)

Aappaasaaneerinninnermut oqaaseqaat:

Aningaasaqarnermut Inatsisissamut siunnersuut maanna aappaasaaneernissaanut, Naleraq sinnerlugu imatut oqaaseqassaanga.

Qinersigattali inuuniarnerit oqiliva? Pisiassatit akikillippat? Neriuteqarnerulerpit?

Taavami, aappaagussamut Aningaasanut Inatsisissaq, tassa inuiaqatigiit suligunik SULIGUNIK annertungaatsiartumik akileraarutaat sumut atorneqassanersut qiviaraanni, Inuuniarneq oqinnerulissava? Imatut isikkoqartillugu naamerluinnaq. Aaqqitassaangaatsiarpoq.

Takuuk, sulisartut akissarsiaat naleerussarniarpaat, suliarerusutaannatik imminut akilersinnaanngitsut suliariniarlugit. Taamaasiniarnermi illit kalaaleq inuiaqatiga akiliisinniarpaatsit, aningaasanut inatsit taamatut isikkoqartillugu akuerineqarpat.

Akissarsianut aningaasat naleerukkiartorneranut nikisinnianngilaat, affaannanngortippaat. Tassaavoq sulisartuq kalaallip akissarsiaata nalimmassaassutissaralui affaannanngussapput. Qanoq isumaqarpa? Tassa isumaqarpoq illit sulisartutut akissarsiatit aappaagu naleerussarneqalerput. Tassa akissarsiatit appalerput siunnersuut ilusimisut ingerlaqqikkuni. Aana piviusoq. Naalakkersuisut aqutsinerlussimaneranik maanna Naalakkersuisut anguniarpaat aappaagugooq sulisartup kalaallit pisiarisinnaasaat annikillissapput.

Taamatut aalajangiiniartoqarpoq, naak Aningaasanut Inatsisissaq taamatut isikkoqartillugu allaffissornerisuaq millisarniarnagu, aamakkuami avataani najugaqarujoorlutik Naalakkersuisut atorfeqarterujuugaat atorfeqaannassapput nunatsinnut akileraartarnatik. Tamanna Kalaallit sulisartut, aalisartut, namminersortullu akilersussavaat. Aamma Aningaasanut Inatsisissaq taamatut isikkoqartillugu nammineq politikikkikkut isaasalerlugu "nuannaarutissaat" ingerlatiinnarniarpaat, 100 millionit arlallit atorniarpaa imminut akilersinnaanngitsunik, inuiaqatigiit artukkeqqillugit, siunnersuut taamatut isikkoqartillugu akuerineqarpat.



Inuiaqatigiit sulersuaartut, akileraartartut, aningaasat akiliutaat aatsaat taamak pisariaqartitsineranni immaqa aatsaat taamak inuiaqatitsinnut utinngitsigisussaapput. Inuiaqatitta artukkerneqarnerat annertusarneqalerpoq taamatut isikkoqartillugu una akuerineqarpat. Allanngortariaqavissorpoq.

Naleqqamiit anguniarparput nunatsinni inuuniarnerup oqinnerulernissaa.

Naleqqamiit anguniarparput sineriapput tamakkerlugu ineriartornermut peqataatinneqarnissaa.

Naleqqamiit anguniarparput Naalagaaffinngornissarput, immitsinnut aallaavigaluta kalaallit toqqissillutik nunartik pigalugu siunissaqartillugit.

Ajoraluartumilli Aningaasanut Inatsit, tassa Naalakkersuisut anguniagaat, piviusorsior tumik akisussaassuseqartumillu sul i ingerlatsinissamut alloriarnianngitsut.

Naleqqamiit neriuutigigaluaqaarput tamaanngaannarsuaq killitsinneqarnerput, Aningaasaqarnermut Siunnersuisoqatigiit allaat naapertorlugit, avataaniit pissuteqanngitsumik pilersitaapput.

Tassa namminerpiaq eqqortumik nalimmattumillu aqutsisimanninnerup kingunerisaanik maanna imatut killiffeqarpugut. Qanorli iliorniarpugut?

Aappaagumut Aningaasanut Inatsisissap pingajussaaneernissaanut umiarsuaq ikkarluit akornanit kaanngartinneqarsinnaassasoq, aaqqissuusseqqivinnerillu alloriarfigineqarsinnaanissaat periarfissaavoq.

Ersareqaarmi ukiut siuliini ajoraluartumik akisussaassuseqanngitsumik nalimmattumillu akilersornagit inuiaqatigiit aningaasaataat taamaattussaannartut atorneqartussatut isigineqalersut.

Maannali qinersereernerup kingorna, qinersisartut allanngueqqulluta nipa at aatsaat taamak ersaritsigisoq, siuliisa suliaat sakkortunerpaamik akuerineqarani kaseerneqaraluarpoq.

Tamanna Naleqqamiit paasilluarparput iliuuseqarfigerusuppagullu.

Allannguisussaataavugut, Nunatsinnimi inuuniarneq akikilliar tortinneqalinngilaq, killormuani artornarsiartortoq oqimaallisinneqalerpoq allanngortinneqanngippat.

Maanna Aningaasanut Inatsisissamut Naalakkersuisut siunnersuutaanut allannguisoqanngippat, aakua ilaatigut inuiaqatigiinnut kinguneqartitsissussat.

Maluginiarlugu, politikkerit aqutsisut, tassa Naalakkersuisut, Aningaasanut Inatsisissaq saqqummiussa at amerlanerussuteqartumik aalajangerneqarpat, allat sumilluunniit aallaaviginagit aakua namminerpiaq pilialarlugit Nunatsinni pisussat:

40 mio. kr. Kommunitut Naalakkersuisut aningaasanik aallilerput, qitiusumut utertilerpaat. Sanaartornissamut aporfissarpassuit ataasinnguamilluunniit aaqqiiviginissaanut alloriarnikuunatik.

50 mio. kr. ukiumut sulisartut kalaallit aallerfigineqarniarput, akissarsiaat nalikillisillugit.

Taakkua akilersinnaagaluarpagut Naalakkersuisoqarfiit Danmarkimi najugaqartillugit, Danmarkimi akileraartittarlugit sulisui Nunatsinnut nuuttuuppata, kalaallinik taarserlugit, imaluunniit sipaarniarfigigaanni.

Ukiumut 100 mio. kr. sinningaatsiarlugit allaammi najugaqartillugit pikani Naalakkersuisut allaffeqarfissuani sulitippagut.

Maanna Aningaasanut Inatsisissaq naapertorlugu, illit sulisartoq aningaasat qulakkiikkamik pissarsiassaraluatit affaannangortissavaat. Soqutigineqanngilaq ineqarnermut akit pisiassallu akii qaffakkaluartut, naamik aningaasat naleerunnerannut nalimmassaatissat affaannangortinniarpaat. Siunnersuut allanngunngippat.

Erngup nukissiorfiliornissamut 400mio atorneqarput, sarfaq akisunerusoq atulerniassagatsigu.

Ineqarnermut aaqqissusseqqinneq suliarineqarpoq, ineqarnermut akiliut 75%-imik qaffanniarlugu.

Aalisarnermut Inatsisiliortoqarpoq, aalisartukillisaaneq kingunerisussaallugu. Aaligooq aalisarnek nunatsinni nappatitta pingaarnersaat.

Suli imeq *plastik*-imullu puussiat akitsuusersorneqarput 156mio kr-inik. Atuisut akiligassaat. Ilumut akissaqarpugut pisiniarfimmi puussiat akitsuusersussallugit?

Maanna illoqarfiit nunaqarfiillu ikuallaavilersorusunnagit akitsuusersuillutik atuijunnaartinniaraluarnarat itigareerpoq. Soormi uagutsinnut aallaavigaluta, sineriammi ikuallaaviliornianngilagut, akitsuullu pisariaarullugu?

Suli puukunik utertitsinissamut aningaasartuutit 95mio kr-inik aqutsisunut akiliutigisarpaat. Atuisut akiligassaat. Ilumut akissaqarpugut puukut Danmarkimut pituttorniaannarluta eqqaavilerinermiitnnginnissaat?

Suli pisiniarfinni savat nunatsinneersut akisoqisut, qanoq siunissamut takorloornerluguluunniit akiumanngikkaat Naalakkersuisut, ilumut tapiissutit taamannaannaq tunniutissavagut? Kiffartuussiviusuni sava akisuneq kisiat pisiassaatinneqarpoq, nunallu sinnerani sava akikinnerusoq pisiarineqarsinnaavoq, aali 25kr/kg akitsuusernikoq. Ilumut tamanna akissaqartipparput?



Suli nunatsinni aningaasartuutit taamaattussaannartut isiginissaanut akissaqarpugut? Nunap inui inuuniapiloortut aaqqiiffiqineqassanatik ilungersortitaajuartut.

Ila immaqa Naalakkersuisut nunarput suliffeqarfiusuuppat, A/S-nngortissinnaasuugunikku, innuttaasut soraarsereeraluarpaat ingerlatsinerlungaarmata sipaarfiginiarlugit.

Nuna imminut napatittoq aallaaveqarpoq nunap inuisa ulluinnarsiutit akissaqartinneranit.

Aningaasatigut aqutsisinnaannginerup kingunerisaanik maanna ingerlatsinerlunneq killiffigisarput aamma periarfissanik pilersitsivoq.

Maannami aaqqissuusseqqissinnaavugut, Naalakkersuisut Danmarkimut pituttorusunnerat eqeersaatigalugu.

Naalagaaffinngornissaq kinguarsarunnaarlugu, immitsinnut napatinnissamut periutsinut ikaarsaarniarta.

Nunatsinni namminersortut tassanilu sulisut atugassarititaat imaannaanngewa, akileraartarnikkut pisarissersorlugillu suliffinnut inatsisit EU-mut tulluursakkanik naallerarneqarlutik.

Nunatsinni akiliisinnaajunnaarnerit amerlaqisut qisuariarfigineqassanatik. Allaat aalisartut maannakkut CVR-normoqarnissaanik piumasaqalerlutik, qallunaatut eqqarsarneq annertusiartuinnavippoq.

Attassiinnarnissamut Ineriartortitsinissamullu Pilersaarut immitsinnut aallaaviginnginnerata ersiutai arlaqarput.

Attassiinnarsinnaannginnissamut iliuuserineqareersut, akisussaassuseqanngitsumik 366mio-kr-inik iluareqqusaarutit akilersorneqanngitsut assersuutigalugit, takutippaa ineriartortitsineq killormoortoq ingerlanneqartoq. Eqqaaneqaqqinnanilu nunatta karsianiit 116mio tigusariaqartut, akissaqartinneqanngimmat.

Sulinermut ilanngaateqqunneqarpoq, Suliffissaaleqisut amerlatsipput avataaneersunillu sulisussarsiorneq ingerlarsorluni. Sulisussaaleqinermigooq annertugami.

Inummut ilanngaateqaffanneqaralarpoq, orsussaateq akitsorlunilu imeruusaateq akitsorlugit malunniuteqanngitsoorluni.

Ila, inuuniarneq akitsorneqarpoq.

Ila oqartoqartalarpoq inuerusaasoqanngitsoq. Kisianni...

Aaliangikkat kinguneri qiviaraanni, siunertaq taanna orninneqarpoq, aali pinngitsoortissinnaagaluarlugu.

KNi aamma Polaroil akigititai qiviaannarsigit.



Air Greenland aamma Diskoline kiffartuussinerlunnerat qiviaannarsigit.
Tusass aamma RAL inatsisitigut kisermaassillutik nunarput mattunnera takuinnarsiuk.

Immaqami piffissanngorpa allannguissamut?
KNI kivissinnaangippagu sineriammi kiffartuussineq, immaqa suliumannittussarsiussilluni?
Polaroil ilumut akisuumik taamaallaat pisisinnaappat, immaqa suliumannittussarsiussilluni?
Tusass aamma RAL inatsisitigut kisermaassinerat atorunnaarlugu, Starlink allallu
misilittagaqarfigineqareersut ammaaffigalugit pitsaanerulersinnissaa piffissanngorpa?

Ullumikkut silaannakkut killeqanngitsumik nunatsinniit nunatsinnullu
angallassisoqarsinnaavoq, nunatta ilaa kiffartuussinermut isumaqatigiissuteqarfiulluni.
Piffissanngunnginnerpa aamma imartakkut angallanneq malinnaatillugu, nunatta avataaniit
assartuisinnaasut periarfissinnissaat.
Nunarsuarmioqataalluta iluaqutai innuttaasunut atuutsinnissaanut piffissanngorpa?

Inuiaqatigiit kalaallit sulipput, aalisarput, namminersorlutillu sulersuaarput.
Milliarderpassuit inuiaqatigiit tunniuttagaat inuiaqatigiinnut iluamik atorineqartariaqalerput.
Allaffissorneq aallaaviginagu inuiaqatigiilli oqinnerulernissamik pitsaanerusumillu
inuuneqarnissaat anguniarlugu sanarfisussaavoq. Pissutsitoqqat aallaavigiunnaarlugit.u.